

6
19

隨
隱
漫
錄

宋陳世崇著

全

進步書
局校印

新
子
部
齊
EDG

隨隱漫錄卷之一

宋 臨川陳世崇著

令製春秋贊云。微顯闡幽。三體五例。嚴乎成言。褒貶一字。周禮云。肇建六典。條章煥明。萬世之則。太平之基。日新云。大哉盤銘。日新其德。一盟一思。惟湯是則。自警云。孽為善。無怠講習。心思唐虞。聖道可入。又曰。私既克理。是從中則。正公則平。操則存德。日新鑑銘云。湛然厥中。惟正是守。萬醜千妍。於我何有。離卦贊云。日月麗天。德備中正。明以繼明。聖而益聖。艮云。兼山曰艮。德在知止。君子體之。思不出位。晚望云。鷺鷥歸煙渚。秋江挾晚晴。老漁閑艤艇。坐待月華生。賞春云。珠簾翠幙。千門曉。麗日和風。萬國春。乍雨乍晴。雖莫測。無非天地發生仁。社日雨云。風催社日雨。霏霧處處雞豚樂祀神。見說豐年於此卜。不妨墊濕社翁巾。新涼云。新涼燈火又相親。遍閱羣書不厭勤。緩視微吟真樂處。那知宮漏夜將分。授衣云。從來人事順天時。九月纔更即授衣。可笑索裘臨歲晚。履霜猶自未知幾。桂云。秋桂庭前霽影涼。萬重深翠護深黃。恭迎兩殿臨青賞。壽筇濃浮月殿香。恭和御製賜牟子才韻云。視草詞臣地位高。玉堂深夜許焚膏。文華瑞世呈儀鳳。顧問承恩直禁螭。喜有奇才追宋軾。光膺聖製勝

唐綸重修盛典熙朝事。千古青編記寵褒。題諸色扇面云。履霜知地凍。賞雪念民寒。山嵐迷曉月。海浪起晴雲。鷺起蓮邊曉。鷗棲蓼外涼。西風敲翠蓋。曉露浥紅裳。艷紅酣霽圃。冷翠媚秋池。聲幽梧葉雨。香冷菊花風。院子供新茗。園丁獻異花。穠華照水澄。秋靜冷艷欺。風醉露涼。一枝翠葉凝秋色。萬粟金英噴古香。月篩樓影虛窓靜。秋染繁英淨。几香十葉喜容迎。曉日萬鈴黃色映朝霞。日麗柳塘鶯語滑。雨收桃岸燕飛忙。瞻萊堂帖子云。歸仁由克己。學道在存心。堯舜傳心惟以一。禹湯受命本乎中。疑華殿云。帝德巍巍。溫恭允塞。心傳精微。惟堯是則。觀瞻萊凝華數帖子。必有如文中子窺高祖之心於大風歌者。故敬錄之。

紫宸殿上壽。三十三拜三舞蹈。初面西立。閣門進班齊牌。上升座。鳴鞭侍衛起居。移班北面躬身。聽贊兩拜起。直身。搢笏三舞蹈。跪左膝。三叩頭。出笏就一拜。又兩拜躬身。竢班首奏聖躬萬福。再聽贊拜兩拜。移班如初。殿中監升殿。詣酒尊所。教坊起居。殿侍進御茶床。又北面躬身。聽贊拜兩拜。直身立。上公升殿。注酒。詣御座前。躬身。俛伏致詞。並躬身。竢上公降階。復位。聽贊拜兩拜起。躬身。竢樞密宣答。聽贊拜兩拜。移班如初。上公升殿。立御座東。樂作。上飲畢。上公受盞。降階。復位。北面躬身。聽贊拜兩

拜舞蹈如初。不該赴座官先退。赴座官躬身。聽樞密詣折檻東宣答訖。聽贊拜兩拜。升階立席。彼竢進酒樂作。上飲畢。舍人贊各賜酒躬身。聽贊拜兩拜。起贊各就坐。立如故。復贊乃坐。酒行。先上公。次百官。搢笏執盞立席後。躬身飲訖。聽贊拜兩拜。復坐。食至。搢笏執碟。出笏再進酒。如上禮三行。舍人曰。可起立席後。竢上公御座前。伉伏跪奏復位降階北面。聽贊拜兩拜。舞蹈如初。鳴鞭捲班。凡正旦朝賀一十九拜三舞蹈。初面西立。上升座。閣門起居班首以下躬身北面。竢舍人宣名訖。聽贊拜兩拜。舞蹈如前禮躬身。竢班首奏聖躬萬福。聽贊拜兩拜。起直身立。竢樞密升殿。班首出班俛伏致詞。並躬身。竢班首復位。聽贊拜兩拜。舞蹈如初。起躬身。竢樞密承旨詣折檻東有制兩拜起躬身。竢樞密宣答訖。聽贊拜兩拜。舞蹈如初。凡冬至朝賀一十三拜一舞蹈。初百官面西立。儀仗以下起居知閣次之。次讀奏。自舍人宣班首以下起居稱賀。北面躬身。聽贊拜兩拜。起舞蹈如初。起躬身。竢班首奏聖躬萬福。聽贊拜兩拜。起直身立。竢樞密升殿。班首致詞。密答如正旦禮。凡朔望起居九拜。一舞蹈。初讀奏。目閣御帶行門以下常起居。殿中侍御史大起居七拜。百官躬身。聽舍人宣班首名北面。聽贊拜兩拜。舞蹈如初。不候贊兩拜。班首不離位奏聖躬萬福。躬身聽贊拜兩拜。

起躬身聽贊。各祇候捲班。凡上殿倫對。初面西立。舍人引北面躬身聽贊拜。聲絕兩拜起。躬身聽贊。祇候直身立。引稍前兩步。再躬身聽贊拜。兩拜起。躬身聽贊。祇候面西立。竝三省奏事退。引升殿立東南角。舍人前奏銜位姓名上殿。因依引赴御座左側身立。搢笏當殿。未出笏。入手及橫執劄子。為失儀。如有宣諭。即口奏云。臣官不該殿上拜。容臣奏事畢。下殿謝恩。奏事畢。依舊路下殿北面。不候贊兩拜。隨班凡謝恩。初面西立。舍人奏姓名。引北面贊拜兩拜。出殿致詞歸位。贊兩拜。舞蹈聽贊。祇候退。凡朝辭面西立。舍人奏姓名。引北面贊兩拜。不出班。奏聖躬萬福。又贊兩拜。出班致詞復位。又贊兩拜。贊好去。如有賜物。宣有勅。即搢笏舞蹈三拜。凡賜茶。引北面躬身奏聖躬萬福。贊兩拜。贊就坐。升殿立席後。再贊乃坐茶至。搢笏出笏降階。贊兩拜。贊祇候退。夫子沒。歷秦漢晉宋齊梁陳隋。至明皇始封文宣王。神宗欲加尊崇。禮臣定議。為至神玄聖帝。而李邦直者獨曰。周室稱王。陪臣不當為帝。於是僅加玄聖二字。異代尊崇。何預於周。果如所言。則公亦不可封矣。雖萬代帝王之師。何假虛名。而邦直之罪。所當筆誅。又執筆以俟。

夫子之徒三千。一貫之道。獨語曾子。而曾子一唯。幾到列聖處。大學十章。為後世帝

王治天下之律令格例絜矩即忠恕也中庸一書彌綸天地參贊化育孔子之道益著而曾思位在弟子下度皇即位首升侑食舉數千載未行之典為億萬世將來之法度皇之聖至矣

西山蔡先生訓子曰夸之一字壞人終身凡念慮言語纔有夸心即截斷却滿招損謙受益時乃天道曰作事皆依本分屈己饒人終無悔吝錢穀與人交關頭頭讓人少少生事一切用柔道理之若識夢道理不做好人天地鬼神亦深惡之蓋不識好惡如童稚如醉人雖有罪可赦若知而故犯王法不可免也曰孝弟忠信不可須臾離若有分毫瞞人底心天地鬼神不恕也曰禍患中第一莫使性氣中外事一切靜柔順理之曰為善得禍乃是為善未熟為禍得福乃是為惡未深人事盡處方是天理曰欺世盜名者無後吾甚慎之

延平李先生靜坐正心以驗天喜怒哀樂未發之前氣象為何如久之而知天下之大本真存在乎是也若夫致虛極守靜篤不思善不思惡老佛亦同此理但有治世出世體用之不同耳

豹死留皮人死留名朝事梁暮事晉遺下死國冊子耳此輩與一把茅子未知顛倒

何益於君國。可謂僂僂兒矣。煮粥飯僧者。都頭甚操刺。六一公化俗語為神奇者也。蕭蕭馬鳴。靜中有動也。悠悠旆旌。動中有靜也。見軍整而靜也。昔我往矣。楊柳依依。今我來思。雨雪霏霏。寫物態。慰人情也。張文潛謂雞聲茅店月。人跡板橋霜。羈旅窮愁。想之在目。柳塘春水漫。花塢夕陽遲。春物融洽。人心和暢。言不能盡。張無垢謂雪消池館。初春後。人倚闌干。欲暮時。盡山之情意。物之容態。可入圖畫。皆彷彿三百篇之遺意歟。

杜少陵贈衛八處士一篇。久別修逢。曲盡人情。想而味之。宛然在目。下此則馬上相逢久。人中欲認難。問姓驚初見。稱名憶舊容。乍見翻疑夢。相悲各問年。無愧前作。若戴叔倫之歲月不可問。山川何處來。青出於藍者也。

唐人詩工於下生字。走月逆行雲。芙蓉抱香死。笠卸晚峰陰。山雨慢琴絃。松涼夏健人。綠竹助秋聲。歲月換紅顏。石磴掃春雲。畫角赴邊愁。遠帆開浦烟。疎雨商梧桐。字字穩帖。不覺其生。

上謚百三十一。神聖賢文武成康獻懿元章。釐景宣明昭正。敬恭莊肅穆戴翼義烈。桓威勇毅克壯圉魏安定。簡貞節白匡質靖真順。思孝高顯和玄高。光大英睿博憲。

堅孝忠惠德仁智慎禮義周敏信達寬理凱清直欽益良度類基慈齊深溫讓審厚
純勤謙友祈廣淑儉靈榮厲比紮舒賁逸退訥僣迷懋宜哲察通儀經庇協端休悅
綽容確恒熙洽紹世果用之君親焉用之臣子焉中謚十四懷悼愍哀隱幽冲夷懼
思搗郵慮微用之閔傷焉用之無後者焉下謚六十五野夸謙伐荒煬戾刺虛蕩墨
憊亢干福專輕奇介暴虐愎恃凶慢忍毒惡殘暴攘頑昏驕酗酒澆狙侈靡溺偽妄
讓諂誣詐譎詭奸邪惡蠱危圯懦撓覆敗戮斥饕餮用之蠻夷焉用之小人焉
太史梁傳昭子婦嘗得家餉牛肉以進昭曰食之則犯法告之則不可取而埋之宰
牛之禁自梁已然或謂宰字從牛或謂牛土畜也與土宿同位真武為北水神亦與
土同位故不可食禍福恐人豈理也哉吳恕齋革帥江東時戒宰牛詩曰中和後五
日袖香謁南臺田夫趁雨耕歡聲沸如雷老守視爾農服田亦勞哉有牛負犁者俄
頃一週迴無牛人代耕四夫盡力推四夫力雖疲不如一牛犁一牛當四夫功力大
如斯農以牛為命愛牛如愛兒愛兒惟恐傷殺牛何忍為老守今奉勸戒之重戒之
宰牛國有禁殺牛天作災留取黑牡丹年年待花開盧柳南却人送牛肉小簡云昔
人亦珍此味所謂如享大牢是也然一犁春雨數町秋雲既食其力又食其肉可乎

余不忍。敢請改命。理語讀之。惻然。

西山真先生點先君集中警句如關戶夜通月。擲泉朝飲星。煖曝花曦日。晴眠鮮石
烟。地曠日難晚。海寬天欲浮。與子纔分手。何人更賞心。遊歸雲衲破。定起石床溫。道
至無偏黨。心何有重輕。萬事豈容人有意。一春多被雨無情。舉頭莫看王侯面。失脚
恐為名利人。千古留芳惟好句。一時得意總微塵。石湖歸途云。人與西風結約來。笑
蓉花氣撲吟盃。曲塘好處都行遍。帶得一身秋色回。城東看柳云。翻煖為寒。一信風
盡。橋南北岸西東。春歸楊柳無私意。深淺青黃自不同。上林歸鴉云。夕陽鴉背欲殘
紅。萬點飛歸傍帝宮。應是上林棲宿穩。可曾驚散月明中。友人官滿云。三年官滿冰
霜潔。一日春回宇宙寬。曾向廳前種楊柳。綠陰留與後人看。東園書所見云。娉婷遊
女步東園。曲徑相逢一少年。不肯比肩花下過。含羞却立海棠邊。苦吟云。水驛荒寒
天。正霜夜深吟苦未成章。閉門不管庭前月。分付梅花自主張。蘇堤曉望云。荷邊清露
襲人衣。風裏明蟾浴曉池。涼影潤香吟不得。手攀堤柳立多時。妾身恨不事英雄。果
是英雄安有淚。初陽烘霽途。繁陰布幽林。山禽互嘲哢。為我流好音。傾耳須臾間。已
快清冷心。飛蓋何為者。傲睨松之陰。翻然移他枝。餘弄不可尋。跋曰。學堯而意廣。氣

大而體不偏。用力於先聖之書。漫塘劉先生曰。觀其文詞。瞻旨遠。為詩深於運思。使人嘉歎不足。習庵陳先生曰。僕壯騷而奴班馬。止堂黃先生曰。騷選唐宋。固不究心。紫巖潘先生曰。出入於江西晚唐之間。而不墮於刻與率者也。惜端平以後所作諸老不得見之。吁。

有貨炒粟入坐。亡無準東炬云。平生辟辟剝剝。做盡萬千手脚。今朝撒手便行。這回炒得離殼。隨隱拈云。未敢相許。

辛巳八月己丑。先君方外友清溪沅禪師坐亡。遺偈云。六十七年。無法可說。一片雲收。澄潭皎月。隨隱拈云。年本無期。法亦何說。末後倒。賊虛空着楔。嘆若遇波騰嶽立時。且道月在什麼處。

隨隱漫錄卷之一終

隨隱漫錄卷之二

宋 臨川陳世崇著

晉侯受玉情內史過知其不能長世趙同獻狄俘于周不敬劉康公知其必有大咎
晉侯見魯宣公不敬季文子知其不免卻錡來乞師將事不敬孟獻子知其不亡何
為成子受脤于社不敬劉康公知其不反齊高厚不敬士莊子知其不免齊侯衛侯
不敬叔向知二君之必不免蔡侯不敬子產知其將死伯有不敬穆叔知其必有大
咎不敬取禍如響斯咎嗚呼毋不敬其堯舜禹湯文武周孔傳心之要法歟

王莽女為平帝后帝崩莽不能強之下嫁漢兵燒未央宮后曰何面目見漢家赴火
自死非特莽愧其女劉歆孔光之徒亦愧矣羊琇女惠風為愍懷太子妃劉曜陷洛
陽以賜其將喬屬仗劍大罵而死王夷甫諸人不愧乎劉禪降魏見蜀伎不悲有此
間樂不思蜀之語孔明之子瞻孫尚戰死張飛之孫遵趙雲次子廣亦戰死北平王
諶哭於昭烈廟先殺妻子乃自殺魏以蜀宮人賜將士李昭儀不辱自殺禪不特愧
於將士亦且愧於婦人矣

晉靈公不君惠宣子驟諫使鉏麇賊之麇曰賊民之主不忠棄君之命不信觸槐而

死。宋高祖使張偉醜舊君。偉曰。醜君以求生。不如死。乃於道自飲而卒。子曰。有殺身以成仁。無求生以害仁。此之謂也。

東山之詩。雨雪寒燠。僕馬衣裳。室家婚姻。出於聖人之忠厚惻怛。故能感人也。楚子伐蕭。師人多寒。拊而勉之。皆如挾纊。遂傳於蕭。明日蕭潰。亦窺見此意。曹操云。行行日已遠。人馬同時饑。托其羣臣。又愧其子。愧其妾。異哉。

衛青少為平陽公主馬前奴。後貴顯。公主擇配無踰青者。卒歸之。北齊後宮一裙之費。至直萬疋。周滅其國。后妃以賣燭為業。南唐劉承勳窮奢極侈。蓄妓樂數千。一妓價數十萬。教以藝。又數十萬。服飾稱之。歸京。乞食凍餓死。軍卒楊杲宗為丁晉公築第。丁貶海上。朝廷以第賜杲宗。劉美善鍛金。後貴顯。賜上方器。視刻工名。多美所造。嗚呼。世事翻覆。往往如此。惟德行文章。照耀今古。彼富貴者。猶蠅蠅醢雞。豈止空言徒苦民耳。

閻樂引兵入望夷宮。二世願得一郡為王。弗許。願得為萬戶侯。弗許。願與妻子為黔首。又弗許。麾其兵進。二世自殺。懷帝為劉聰青衣行酒。愍帝執戟前導。行酒執蓋。俱不免遇害。煬帝先殺其子。索煬不得。自解練巾。令狐行達縊殺之。全忠殺昭宗。方醉卧邊。

起車衣繞柱走追而弑之。晉王北遷自採木實草葉食之。馮后陰令左右求毒藥欲與晉王俱自殺不果。嗚呼！君天下得其道則富有四海失其道求為匹夫而不得况妻子乎哀哉。

天子四學。中辟雍南成均北上庠東東序。四瞽宗。學書者就上庠。學舞者就東序。學樂者就成均。天子承師問道養三老五更則就辟雍。帝入東學上親貴仁入南學上齒貴信入西學上賢貴德入北學上貴尊爵亦大學也。

書稱后稷播時百穀。周禮農貢九穀。晉志有八穀。孟子云樹藝五穀百穀繁莫克知。九穀黍稷稻粱菰大小豆麥麻八穀。即詩之黍稷稻粱禾麻菽麥獨五穀。鄭注云黍稷菽麥麻趙岐云黍稷菽麥稻日用所急莫如稻。岐說為是。黃帝用黍制律積六十四黍為圭。準之黍類首宿差小宜釀酒杜預謂菽為豆。唐本草舊註云稷即稌也。

青溪汪先生初筮長沙出錫器歸舟有錫熟水器每對之不樂。妻楊氏曰吾償其直而得之者庸何傷。曰居官不欲為器皿奈何以是污我。楊命投之江中始無愧色。蔡京當國欲得知名士附己以宗子博士召力辭不就。或潛問其故曰吾異時不欲附姦臣傳耳。吁士大夫能勤小物故克此心也。享萬鍾必以義不為京屈特小小者爾。

學犬吠村莊者愧死無地

孽臣姦驕為縣羯奴發也奉賊稱臣為陳希列等發也死生堪羞為新君營救均均及六等定罪發也此元子書萬世綱常之法陳所翁賦子道臣節云銀旗金甲渡巴西靈武城樓已萬幾一扎只開元帥命五牋合待使臣歸未聞請表更追表且看黃衣換紫衣天性非由人偽滅何緣尚父結張妃六等勝如誅獨柳二張縱活亦何顏太師死後猶書法水部刑章托頌間最憶海青投樂器絕憐甄濟隱青山中興碑下姦臣懼天道何嘗不好還溪深毛寒壁立鬼怖可不懼哉

潘紫巖慨慕先隱集老子以下迄於宣靖可師者各為小傳曰幽人景範周二十七附見者四老聃尹喜莊周列禦寇榮啟期楚狂接輿及妻長沮桀溺荷蓑荷蕢石門晨門顏回閔損曾參原憲公析哀漆雕開仲子及妻老萊子及妻公儀休披裘閭丘顏躡段干木黔婁及妻鬼谷子兩漢二十七附見者六魯二徵士龔勝彭城老父宋勝之莊遵李弘鄭璞戴良向長禽慶王霸及妻逢萌莊光范丹高鳳臺佟梁鴻孟光周燮黃憲洪直韓康陳留老父魏栢徐穉姜肱及二弟申屠蟠郭泰張奉魏晉十二附見者六管寧張弼胡昭王烈焦先皇甫謐及子方回孫登董京郭文何琦孟陋記

毓徐苗翟湯周邵湯子莊陶潛南朝至五代十九附見者七戴逵劉凝之沈麟朱百
牢孔顗郢野老尋陽漁父宗則及宗人尚之從弟或之祖炳明僧紹阮孝緒劉許及
族兄歆仲長子光王通衛大經張盥盧鴻一張志和鄭遨王居巖張令問及弟亢言
及子立宋十八附見者六戚同文宗翼陳搏傳霖楊朴李漬魏野及子閑邢郭林通
甄棲真劉海蟾張俞孔叢高懌神放張堯許勅潘興嗣孫侔邵雍成都隱者張舉劉
臯凡百三十二人。

漢書載淮南王安以叛自刑神仙傳以為安丹成上昇雞犬舐鼎亦得仙去唐書紀
張果自云我生堯丙子其貌寔年六七十未幾亦卒神仙傳謂果生堯丙子二萬八
千歲矣堯即位三十四年丙子至唐開元初才二千八百餘年魯魚亥豕之誤明矣
不然孟子載文王之地百里荅齊宣王則曰文王之囿方七十里則民居者三十里
耳。

會寧郡夫人昭儀王秋兒順安俞修容新興胡美人永陽朱梅兒資陽朱春兒高安
朱夏兒南平朱端兒東陽周冬兒順政石潤兒高平周賽兒通化聞潤兒潯陽陳宜兒
胡安化沈咸寧黃新平皆上所幸也初東宮以春夏秋冬四夫人直書閣為最親王

能屬文。為尤親。雖鶴骨臞貌。但自上即位後。萬幾之暇。批荅畫聞。式克欽承。皆出其手。然則王非以色事主。度皇亦悅德者也。

庚申八月。太子請兩殿幸本宮清霽亭。賞芙蓉木犀。詔部頭陳盼兒捧牙板歌尋尋覓一句。上曰。愁悶之詞。非所宜聽。顧太子曰。可令陳藏一撰一。即景撰快活聲聲漫。先臣再拜承命。五進酒而成。二進酒數十人。已羣謳矣。天顏大悅。於本宮官屬支賜外。特賜百足。兩詞曰。澄空初霽。暑退銀塘。冰壺鴈程寥漠。天闕清芬。何事早飄巖壑。花神更裁麗質。漲紅波。一奩梳掠。涼影裏。笑素娥仙隊。似曾相約。閑把兩花商略。開時候。羞趁觀桃堦藥。綠幙黃簾。好頓膽瓶兒着。年年粟金萬斛。拒嚴霜。綿絲圍幄。秋富貴。又何妨。與民同樂。明年四月九日。儲皇生辰。令述寶鼎兒。俾本宮內人羣唱為壽。上稱得體。詞曰。虞絃清暑。佳氣葱鬱。非烟非霧。人正在東闈堂上。分瑞祥輝。騰翠渚。奉玉尊。總歡呼。稱頌。爭羨神光葆聚。慶誕節。彌生二佛。接踵瑤池仙母。最好英慧。由天賦。有仁慈。寬厚襟宇。每留念修身忱意。博問謙勤。親係傳。梁寶翰鎮規。隨宸畫。心授家傳。有素。更吟詠。形容雅頌。隱隱賡歌風度。思重漢殿。傳觴宣付。祝恭承天語。對南薰初試。宮院笙簫競舉。但長願際昇平世。萬載皇基。因覩。問寢日。竢雞鳴舞拜。